

Em Johr 2015

1. Em Johr 2015 - kommt langsam ebbes raus,
was d`Staatsregierung vorhot, - o Leit dös isch a Graus,
En osrm scheana Doanaried, - do wollans Poldr baua,
I: do wollans osra Hoimat - no om ond omm vrsaua. :I

2. Mit Dämm, so vier, fünf Meter hoach, - do will ma d`s Riad
eidämma.
Wenns regnat ond wenn Doana kommt - dann alles überschwemma,
A hundertjährihs Hochwasser - soll dann ends Riad neiloffa,
I: Daß dös de beste Lösung isch - dös wollans os vrkoffa. :I

3. Weit doba loßt mas neilaufa - ond dont solls wiedr naus ,
ond alles derf vrsaufa - dr Woiza ond jeda Maus,
Daß z`Wasser schnell mea abfliaßt - dös funktioniert ja nia,
I: schtot en de Felder monatlang - a kondaminierta Bria. :I

4. Wenns dob em Allgäu regnat - weard osr Riad zom See
Wia kommans denn auf so ebbes - a so a Schnapsidee
Dia sollan doch bedenka - dass dös net funktioniert,
I: Wen jeder Bach begradigt weard - ond alls zua betoniert. :I

5. A Gutachten, aus Mencha - hot d`Staatsregierung b`stellt,
Dia Gutachter en Mencha - dia kriagn an Haufa Geld.
Oh alle guade Geister, - jatzt stehan os doch bei
I: Bewahren osra Obrigkei - vor Gschafthuaberei :I

6. Oh bayrische Politiker - jatzt send doch net so stur,
Ond nemman halt a Rücksicht - auf d`Bürger ond d` Natur
Ui lobn doch so geara - dös scheane Bayernlandl
I: Jatzt passn auf, daß - ui dös Bayernlandl net vrschandln :I